

Bajet 2012: Kakitangan awam dapat tambahan bonus setengah bulan
The Malaysian Insider
07 Oktober , 2011

KUALA LUMPUR, 7 Okt — Sebagaimana diduga, kerajaan memutuskan untuk memberi bonus tambahan setengah bulan gaji atau minimum RM500 kepada 1.3 juta kakitangan awam.

Bayaran bantuan RM500 juta akan dibayar kepada pesara kerajaan. Jumlah yang sama dibayar kepada mereka pada Ogos lalu.

“Bayaran ini akan dibuat bersekali dengan gaji bulan Disember 2011.

“Ini akan menjadikan jumlah bonus bagi tahun 2011 bersamaan sebulan gaji dengan bayaran minimum RM1,000 bagi penjawat awam dan bantuan RM1,000 bagi pesara kerajaan,” kata beliau ketika membentangkan Bajet 2012 di Dewan Rakyat.

Katanya, bayaran ini akan memanfaatkan 1.3 juta kakitangan awam serta 618,000 pesara kerajaan.

“Bayaran bonus dan bantuan dua kali pada tahun ini akan menelan belanja RM4 bilion,” katanya.

MENYUSUL LAGI

The Malaysian Insider

Hakcipta © 2011 The Malaysian Insider

Source: <http://www.themalaysianinsider.com/bahasa/article/bajet-2012-kakitangan-awam-dapat-tambahan-bonus-setengah-bulan/>